

道家部

淮南子卷

42

華東師範大學

「子藏」編纂中心編

總編纂 方勇

副總編纂 吳平

子藏

國家圖書館出版社

子藏

道家部

淮南子卷

42

華東師範大學
「子藏」編纂中心編

總編纂 方勇

副總編纂 吳平

國家圖書館出版社

(明)陳仁錫 評選

淮南子奇賞五卷

明天啓六年(1626)刊《諸子奇賞》本

第四十二冊目錄

淮南子奇賞五卷 (明)陳仁錫評選 一
明天啓六年(1626)刊《諸子奇賞》本

淮南子 (明)陳仁錫評選 三八五
明刊《子品金函》本

淮南子刪評二卷(上卷) (明)汪明際刪評 四三一
明刊本

淮南子奇賞五卷

鴻烈解序

漢河東高

秀撰


淮南王名安、厲王長子也。長高皇帝之子也。其母趙氏女、爲趙王張敖美人。高皇帝七年、討韓信于銅鞮、信亡走匈奴、上逐北至樓煩、還過趙、不禮趙王。趙王獻美女趙氏、得幸有身。趙王不敢納之宮、爲築舍於外、及貫高等謀反發覺、并逮治王、盡收王家及美人。趙氏女亦與焉。吏以其得幸有身聞上、上方怒趙王、未理也。趙美人弟兼、因辟陽侯審食其言之。呂后、呂后不肯白。辟陽侯亦不強爭。及趙美人生男、恚而自

殺吏奉男詣上、上命呂后母之、封爲淮南王、暨孝文
皇帝卽位、長弟上書願相見、詔至長安、日從遊宴、驕
蹇如家人兄弟、怨辟陽侯不爭其母于呂后、因椎殺
之、上非之、肉袒北闕謝罪、奪四縣、還歸國、爲黃屋左
纁、稱東帝、坐徙蜀、嚴道死于雍、上聞之、封其四子爲
列侯、時民歌之曰、一尺繒、好童童、一升粟、飽蓬蓬、兄
弟二人、不能相容、上聞之曰、以我貪其地耶、乃召四
侯而封之、其一人病薨、長子安襲封淮南王、次爲衡
山王、次爲廬江王、太傅賈誼諫曰、怨讐之人、不可肯

也。後淮南衡山卒反。如賈誼言。初安爲辯達善屬文。皇帝爲從父。數上書召見。孝文皇帝甚重之。詔使爲離騷賦。自早受詔。日早食已上。愛而秘之。天下方術之士多往歸焉。於是遂與蘇飛李尚左吳田由雷被毛技伍被晉昌等八人及諸儒大山小山之徒共講論道德總統仁義而著此書。其旨近老子澹泊無爲蹈虛守靜出入經道言其大也。則燾天載地說其細也。則淪于無垠。及古今治亂存亡禍福世間詭異瓌奇之事其義著其文富物事之類無所不載。然其大

較歸之于道、號曰鴻烈、鴻大也、烈明也、以其大明道之言也、故夫學者不論淮南、則不知大道之深也、是以先賢通儒述作之士、莫不援採以驗經傳、以父諱長、故所著諸長字、皆曰修、光祿大夫劉向校定撰具名之淮南、又有十九篇者、謂之淮南外篇、自誘之少從故侍中同縣盧君受其句讀、誦舉大義、曾遭兵災、天下暴時、亡失書傳、廢不尋修二十餘載、建安十年辟司空掾、除東郡濮陽令、觀時人少爲淮南者、思遂陵遲、于是以朝餉事畢之間、乃深思先師之訓、叅以

經傳道家之言，比方其事，爲之註解，悉載本文，并舉音讀。典農中郎將併揖，借八卷刺之，會揖身喪，遂亡。不得至十七年，遷監河東，復更補足。淺學寡見，未能備悉其所不達，注以未聞。唯博物君子，覽而詳之，以觀後學者云耳。



諸子奇賞卷之九至卷之十三目次

淮南子 節錄

姓劉名安，漢淮南厲王長子也。長以罪徙蜀，道死。後文帝立安為淮南王，安為人好書鼓琴，不喜弋獵狗馬馳騁，亦欲以行陰德，拊循百姓，流名譽，招致賓客，方術之士數千人，作為內書二十一篇，外書甚衆，又有中篇八卷，言神仙黃白之術，亦二十餘萬言。

卷之九

原道

俶真

地形

覽冥

精神

本經

卷之十

主術

繆稱

齊俗

卷之十一

道應

汎論

詮言

卷之十二

兵畧

說山

說林


卷之十三

人間

修務

泰族

要畧



諸子奇賞卷之九

古吳陳仁錫明卿父評選

淮南子

原道訓

氣魄大識
寥宏具摘
辭琢句又
如朗月之
入懷

昔者馮夷大丙之御也。乘雲車。入雲蜺。遊微霧。驚恍
忽。歷遠彌高。以極往。經霜雪而無迹。照日光而無景。
扶搖挾抱。羊角而上。經紀山川。蹈騰崑崙。排闥闔鑰。
天門。紀通末世之御。雖有輕車良馬。勁策利鋟。音不
能與之爭光。是故大丈夫恬然無思。澹然無慮。以天

爲蓋以地爲輿四時爲馬陰陽爲御乘雲凌霄與造化者俱縱志舒節以馳大區可以步而步可以驟而驟令雨師灑道使風伯掃塵電以爲鞭策雷以爲車輪上遊于霄霓音翟之野下出于無垠之門音峻貌劉覽偏照復守以全經營四隅還反于樞故以天爲蓋則無不覆也以地爲輿則無不載也四時爲馬則無不使也陰陽爲御則無不備也是故疾而不搖遠而不勞四肢不動聰明不損而知八紘九野之形埒者何也執道要之柄而游于無窮之地是故天下之事

不可爲也。曰其自然而推之萬物之變不可究也。其要歸之趣。夫鏡水之與形接也。不設智故。而方圓曲直不能逃也。是故響不肆應。而景不一設。叫呼彷彿。默然自得。人生而靜。天之性也。感而後動。性之害也。物至而神應。知之動也。知與物接。而好憎生焉。好憎成形。而知誘于外。不能反已。而天理滅矣。故達于道者。不以人易天。外與物化。而內不失其情。至無而供其求。時聘而要其宿。言天時自聘。道要其宿會。小大脩短。各有其具。萬物之至。騰踴看亂。而不失其數。度也。是以處上